

Akinta Intapa nee Apeninka Kedani nani Keweñomo
Tedenani beyen iin Koyopamo COVID – 19 nani aan.

Cultural Survival

Tomamon bete tente
wee kekimpa iin
koyopamo inte.





Tomameka nani keweñomo iin Koyopamo nani aan bate inanipa COVID – 19 maniin yekene teein piñente kekimoni. Cultural Survival yekene kepa apeninka nee kedani iñomo omede kewenani, temen yekene nanguin waa kepa mani aneninka omede kewenani inanite gawente weñonante.

Mani apeninka keeme ome kekin teemo intebainimpatomeka omedekewenani beyen tomenani nani ponete keweno nanikewemain, tedete manomainponete apenete nani cabo eñente nanguin tedete edemo apenete nani keweñomo, Wemeidi nani apenagain yekene nanguin piñente kweguimamo impa, nani keweñomo yekene nanguin tedekinani apeninka.

Galina Angarova


Nanicabo keweñomo Buryat
Nee Awenenan - Cultural Survival

KOYOPAMO- 19 AKINTA WAA KEKIN

Maninta akinta inkete, nanguin waa kewenguin beyen, adobain nee tededani iñomo kewenani godomenke wee aate bain kekinani KOYOPAMO – 19, tomaa itede nani keñomo.



COVID-19



Tomameka kewenani ñowo miin daicawo nani koyopamo COVID – 19. Inkete naango tenonguin dee ampa, tomameka aweneidi tededanipa bakodani cabo gonguenamian goobe goobe ongoguinani. Iñote tocode dee bapa, nee tededani aye tomanani beyen. Nani daicawo baa adinke, mono memeidi nani kete kewengain tomamo omede kewemo yekene kedinke mono godomenke mono ome tono godogame kewemonpa inkete mono aye wado keweguin beyen diqui mingui mo godogame keeme wiwa badonamain ome tono geña kewenkete ante.

Nee tededani apeninka tomenani kiwiñomo beyen tomameka kewenani ñowo yekene. Iin daicawo tomameka baa adinke onkiyeni tono onguiñanani yekene nawanga tededani iñekadanimpa edonke noingan.

Poneen, nani tedeni eyomono bacoo poni nani ongoñomo geya gongenamain iin, cowen goobe nanene neen gongueguime, Coween menpokimoni onompo, cowen nani mascarilla(ononkaro wee enkadokin).



Monoo odaa kete bain keen tono teemo bakin

Maniin mono wadon kiwiguimamo iin ate poneguimo imopa, kigano mono imote wiwan bakincoo ante akimoni ébano keete teemo bakimoni moni omede kewencabo.



Mono wenguimamo kiino beyen bakeke, dotoro onke dee aan beyen, biimo dee ante, epe tobokade ponamain iin beyen, eñenamain nani bate wencoo kewente ate.

Watape kewungin ante ate mono tomemo neencoo mono keñomo, kenguincoo, biimo memeidi begain, mono beyen tedekinani.



Iñomo Cultura Survival godogame kekimoni mani monito manita tomanani daicawo iin beyen ponente nani apeninka nani tedenani inaite wee ate kekin wiin daicawo wocakinani mono guidinani. Mani yekene impa watapen eñente nani apeninka iin daicawo iñede KOYOPAMO COVID-19.

Meeña bain tedepa:



Tanoo ponin yekene yewemonte tedepa okiyenani / onguiñenani apeninka kedani beyen.




Mea yekene ébano tedike tooinga tomayomo kewenani inanite





TANOTA YEWEMONTE


Iñomo kedani tono
¿eñeketante ne apeninka tedeyomo?
¡Wee aaki tano impa!




 Badoguimoni ébano
kete ñomo omee
kedani apeninka weca
wee aakimoni

 Doobe mani beyen kekan
ingampa ante akinani

 Nanguin tedekimoni
kiino kiino kekimoni
goobe kewenani beyen

 Wiin monito date nañe
weguimoni nanguin
imapa mono wiin ween
todonte bai kekimo

 Aquimoni edeo edo
wiwan ongoo ante

Badoguimoni monito weca ome kedani beyen apenika weca kerani tono

Kekimo imipa ébano kete wee akimoni ante, coween poneguimoni Nangui miimoidi awene tedebain OMS, tomanani awene, aye awenenidi nani keweñomo, biimo beyen, tomanani aweneidi inanite.

Akimoni kiino wenguimamo iin ante

Nani keweñomo gote ate, tano bito tano akimi kiino kiino iñomo awenenidi, tededanitpa, iñomo beyen mini yekene impa bito yecado poni onguimpa.



Akinani ante no kebipa ante

Tomamo adoke bain impompa adodonke tedeketante. Wiin kedamain ante iniin inkete kete bain doo pinguinani

Anonke kete bate wenompa

Ononke gote ongonamain iin nani nanguin poni bayomo gote ongonamain iinkete bito wee eñate doo gobaimipa inkete omabi inte ate godamain iin, poneen nee apeninka tedemo inte ate doo wemainanipa .

Diki minguimoni edono gameno ome kekimoni ante nani dee aan weñomo

Aoo mani nani ome keyomo pikenani kedani bain, aye ekame inke waa daicawo ñekan bain waa kee ante onkone inke waa kekinga.

Cowen wade kedote,
aye wade ñemente
wanteyo wanteyo



Tedekiñomo cowen
wee okadote
kinkakame inke
tomenka tedeinka



Cowen wade kaate
ñaan menogate
nenguimoni ekame
inke tedete gokabain



Coween wee akimoni
wiin bakonandi
apeninka weka
ongoguinani ante



Tedekimoni waaka wiin
iñomo gote tedekete
ante (Streaming)



Cowen wade kedote, aye wade ñemente wanteyo wanteyo

Cowen ñemeguime ñaa menonoquimi. Alcohol nanguin ponin nani ongoñomo, aye adobain cloro o waa tono wempo kedente epe tono menogakimi.

Kekimi tedekin beye Streamnig nani aan inte apeninka weka godamain inkete ante

Tedekimi tome apeninka kekantono ébano kete edonke tede eñeginani ante aye teléfono inte kekimi dee wado kekin aan bain, tokode de ampote mani waa impa de godonamain imguimi ononke mee tedekimi aee maniñomo www.giss.tv.



Cowen wade kedote, aye wade ñemente wanteyo wanteyo

Tedekinka yekene nanguin wakan inga wakan ingan bagobaimpa. linke tedete ate cowen tee bekadoin ini gaan enkadote miin tee bekadoe bito toinga kekimi.

Coween wee akimoni wiin bakanandi apeninka weka ongoguinani ante

Mani kekin impa cowen wiin ponenamain, cowen goobe goobe ongoguimi aye onone tono ononkado wee enete

Cowen wade caaquimi adopoke tedinke

Cowen adoke wekota inte alcohol aye wiin cloro tono kekimi manino yekene wiwan badonpa apeninka kiin inte. Alcohol etílico nani aan yekene biimo monko nano engayomo ongopa godonte enguin.

MEA YEWEMONTE

Kikodo kekimoni ante

liin yewemonita, apenekimoni biimo beyen nangui tomameka eñenani nani aankoo, aye wadani nangui maniin koyo beyen nani apeneno ante KOYOPAMO – 19, aye nee apeninka beyen tedenani onguiñenani tono onkiyenani omede kewenani nawanga tedekedanimpa ante, wiin ononke babe tedekedanimpa.



Nani ononke tedewenkoo tono babe tededamain



Ne Biimo Beyen Tomameka Ongo (OMS) tedetapawiwaniimpaantebabeanteate, maanpone yewemonte aye eñenamain ininke godo yewemonte ate weyomo wayomo nani ayomo, tedeyomo, Babe tededani ate bacodani geyente bate ate dowente bain bakedanimpa, manomain ininke odakete bain bakedanimpa ininke tomanani wiwa bakedanimpa, ononke nani tedeko tono kedamain iin.

Eñeguimoni nee biimo beyen kadani yewemo tono nee eñenani nani apene.

Ponee bito wiin tome beyen kebi imipa mani daicawo beyen, manino beyen tomen beyen adani, biimo kedani, daicawo beyen eñenani, daagome de badonani aye baaongan beyen eñenani.

Nanguin daicawo adani tedekinani tomanani beyen.

Nangui Daicawo tono biimo beyen eñenani (OMS)





Tedekimoni tomenani biimo beyen wemeidi nani kegaimain

Nanguin eñemo imonpa ébano kete tein piñente bakiin ante mono baaon eñate kewen beyen mono kenguin keen biimo dodani bain mono bee. Tedekimo biimo kete eñenani aye waa waa kedani tono.

Tedekimi tomanko tomemo tededo mono keweñomo kete ate cowode tededo nengongen

Tomaa tedenkincoo tomemo tedeno iin baiin, tiinye tomanani eñenkedanimpa. Manobain inte ate tomanani eñente nanguin godomenke eñenenani bakedanimpa. Dee anani bain nani apeninka kewomo tomenga tededo, dike minguimoni wakan ingante tomenani tededo tedekan ingante. Baaco poni meen ongokoopa eñeguincos ante wedani beyen kebaimipa. Manii dee badoyede minito iminite odomomoni akimini eedon nawanga iin ante.





Wiin wakan ingante piinte bai kekinani

Tomeen daicawo badi beyen nanguin apeninka inte tedenanitapa “chinoiri ome bate pompa” ante beyen, nanguin piinte nani cabo tomaa beka nani kewenganka, nangui badete piinte bain kedanitapa ome emate ino kewenani inanite.

Iñomo mono ome keweñomo, adobain piinte bee tenamain waa adabian badanitapa. Manobain kete ate wayomo ponani inaita nanguin wiwa adanitapa, adodo tomenani ome kewente ponani ate.

Apeninka yekene impa tomemo deente kewemamo aye ponente mono kewen mono watapen kewenguin beyen

Manomain beyen amonipa edemo wee kete bain bito tedepamo neenguimi, wiin piinte bain tomenani inanite o adobain wabeka ponani ate aye tokode omepodani kenguin aan daicawo boguenani bain.

Apeninka kekade kekinani inanipa ébano kete eñente nani cabo ébano kewemoni ante monito ponemain, aye keweguimoni omede tono godogame inn daicawo poñede (inn wiwa kedani bai monito keweguino doo anguimoni tomanani inanite)



Wee aate bain kekimini babe nani ankoo keeme neena main ininke

Ñowone itede bacadani nanguin kedanipa tocore awemo enkete ante, manino yekene kebainanipa adokanke aye bacadani kiino bai kedani, biimo gaoo kaate, wamiyate aye onipaate, ankedanimpa daicawo noon waa badomoni imonipa ante inkete mono nee apeninka beyen kemo inte ate cowen tomenani inanite anguimo eedo nawanga iin aye biimo tomenani nani bete kewen.



Tedekimo nawanga edemo doinga tomanani mono bain kewenani inanipa ante ponente

Ao bito eñente aye ate bain ekamen daicawo eñada o wengain coyopamo – 19 iin bain, cowen manino nanguin wiwa impa ante tedemaimipa. Cowen wadete nani cabo aye tomenga ne daicawo eñaka beñen, inkete bito nano ponente tede agankaro goke kee ante, tomiñomo nawanga ne gongente bain ponente tedemaimipa.





**Apenibi eñenguinani kiino
kiino kedani minito
keweñomo, aye aweneidi
tono nanguin kekimoni**

Tedemoni eñenguinani kiino bain nangui aweneidi tededani ante aye adoyonke minito keweñomo, anbi eñenani kiino kiino kekin iin waa kiino kekin aoo ante ñowo monito weca.

Ponee apeninka yekene impa apenibi eñenaniin tomañomo kewenani inanite, manomain keta ate daicawo eñamo o dee aabo, biimo beyen de kedani, eñeguimo kiino kiino bete waa bacaimpa ante cowore ononkado da tinani tapa, mani kete ate eñeguimo doobe daicawo eñabo iimo mani beyen biimo kedani wee anani.



Cowen kekimoni nani keweñomo nani ee neente kewenicoo



1. Apenekimoni ébano nani okonenke ongoñede badaniin. Amii eñenani nani cabo inanite manomai aninke nani wencabo kekinani oninke ongai mingui weeko tadamongui kenguin enoñomo aye godomenke waacoo.

2. Apenibi eñenaniin ate ébano kete toamani adoke adoke.



3. Bito kekimi minkayonta inte ecano nanoguen inte wiwa keken aye wiñenani inanite, ébano kewenaniin nani daicawo beyen ante wiwa kedanipa godon apenebiin o aye Tomenani keweñomo wadete, wee ante godogame bain kekimi.

4. Kekimi durani nani kegain, memeydi nani kewengain aye wakoo nani cabo beyen iin daicawoco nani koyopamo aan onkone nani ongonte wee beyen.

Cowen kekimoni nani keweñomo nani ee neente kewenicoo

5. Baacoo nani keweñomo yekene cowode bain ante nani añomo nee ampa omede nani keweñomo wiñenani onkiyenani tononguiñenani nani akiin. Manomains beye bito kee apeninka iinte wiñenani tonoo edenani eñente akedanimpa ante manomains kete ate nani ecoeda adamiin iin doobe bito watepe kebipa. Podobodeidi inanite ami ponte apeninka iinte odomoguinani.



6. Amiin eñenani wayomo kewenani inanite, nani wee kete bain wiin dee bapa KOYOPAMO- 19 wedenke wee kete bain kedanipa.

7. Ponente cowen tedekimo nani keweñomo beyen nani nangui waa kedonkoo ante iin koyopamo mee ongoñonte.

8. Tedekimini tomanani tonoo nani keweñomo ébano iin daicawo baa ante kiino bain kete ñowo nengonguen mono keweguimamo beyen ante.






9. Akimoni kiino godonte enguimoni iin daicawo iñede ponente kekimoni wiinondoke keemegodonte ipokimoni daicawo dee bayonte.

10. Aa pibi ponani tomanani nani cabo apenekimi tomenani inanite ébano kete mono baon beyen edebo akimo ante kiino kete daicawo badamain inguimoni ante, iin daicawo nanguin wiwa bakiin tokore impa, inkete Toamñomo gopa manino yeken nanguin daicawo badongopa.



11. Tedebi eñenaii kiino kiino quenguin kente ate mono baonga tein eñekimo ante, eeme bain kete tedekimo kiino kiino mono tomemo kenguin waemo iin ante kedinke cove tedekimo ébano kete mono wemeidi teiin piñente kewegadaniin ante.

¿Eyomono bito Akiimi imi Daicawo Wokaanki beyen Koyopamo?





Eñenguime nawanga nani tede tomañomo beye

General Reliant Sources of Information:

World Health Organization

<https://www.who.int/es>

Pan American Health Organization

<https://www.paho.org/hq/index.php?lang=es>

México

<https://verificovid.mx/>

<https://coronavirus.gob.mx/>

Guatemala

<https://www.unicef.org/guatemala/coronavirus-covid-19-lo-que-los-padres-deben-saber>

El Salvador

<https://covid19.presidencia.gob.sv/>

Honduras

<https://covid19honduras.org/>

Nicaragua:

<https://ondalocal.com.ni/>

Panamá

<http://www.mingob.gob.pa/gobernacion-la-comarca-guna-yala/>

<https://www.midiario.com/>



Nani ayomo nee tededani beyen KOYOPAMO -19, ayomo

<https://ijnnet.org/en>

Global Investigative Journalism Network

<https://gijn.org/gijn-en-espanol/>

<https://derechos.culturalsurvival.org/>

<https://www.culturalsurvival.org/es/covid-19>

<https://www.articulo66.com/>

<https://rdsradio.hn/>

<http://www.vocesnuestras.org/programas/salvador>



Mani yekene kete impa:

